

尚

綱

堂

集

尚絅堂詩集卷二十

陽湖 劉嗣館 醇甫

問津集 甲寅

甲寅春 鵲幸津門應試 行在小住問津書院同
寓者爲姚子秋農吳子香竹戴子春塘汪子籍菴倪
子米樓

客有以楊柳青柳枝詞見示者題二絕

兩岸新烟問渡時風波無地著漁師一雙青眼斜陽外手
拓船唇唱柳枝

寒流七十二沽經析木津邊望柳星借得春人衣上色和
烟和雨畫長亭

舟夜遇風雨

正欲牽舟住，翻來聽雨眠。水聲寒到耳，山字瘦於肩。短燭不成曉，長風還接天。天津亭三五里，客思浩無邊。

徐朗齋屬題瀟湘烟雨卷

圖爲永州守王蓬心作

永州畫筆今廉州，須眉綠澹空江秋。官齋無事拂東絹，楚天日日蒼梧愁。墨痕飄蕭映窗几，來自徐君行篋底。君言烟雨上歸帆，一夢迢迢碧千里。我亦曾遊斑竹林，祇今空對畫圖吟瀟波。不斷入湘去，中有愁心深復深。

題問津書院壁示主人呂星泉

同是問津客，蕭閒我不如。殘碑雙鬢頹，破館一蓬條。竹色清於水，苔陰綠上書。爲君題壁好，醉墨儘消除。

家味頗兒來自靜海數日旋別去詩以述懷

妾家枕被幾回眠夜夜濤聲到耳邊
人海悲歡如夢裏天涯聚散卽尊前
綠波南浦連三月野火東風入去年
無限鄉愁吹作絮偶然粘着總纏綿

萬里關山一卷詩江花開落幾多枝
月生南海珠娘里天遠西風木客祠
倦鷓不禁頻退後昏鴉無奈欲栖時
蕭蕭晞髮斜陽听除卻春波總不知

綠酒青尊悵歲華一鐙相對當還家
連宵爲我生春草幾日逢君又落花
去住本同江上梗升沈難信海邊槎
此行只擬推篷坐看盡朝霞看暮霞

題汪悔人深柳聯吟圖卷

汪郎家住胥門西門前一路青山低千株萬株水楊柳橫
塘盡日流鶯啼流鶯樹底相爾汝識得君家讀書處中有
亭亭雙玉人手把楊枝喚金縷書聲欲斷聞歌聲雛鳳出
山無此清碧雲空際裊春思一時飛遍姑蘇城姑蘇花月
家家柳象管鶯笙好聲價唱到旗亭壁上詞滿場歌拍誰
堪亞四百紅橋正少年那知愁緒易成烟陸郎送別斑駁
怨白傅辭家駱馬憐東風長短郵亭陌今日逢君忽成客
欲將春柳比春人不是春衫舊顏色圖中相對共題襟又
向天涯折柳吟朝來若問思君處更比桃花潭水深

絳樹二十韻

絳樹圍鐙幄瓊枝列畫屏石郎來緩緩雲母貯亭亭妙相

空兼色年華影贈形新留珠浦佩昨訪玉樓釘子弟慚王
謝佳人妬尹邢燕軀輕綽約龍骨瘦伶俜出水曹衣舉當
風楚鳥停帶塗金蜥蜴扇擎翠蜻蜓雁柱辛勤弄鷓絃子
細聽一彈羅黑黑三疊柳青青座客誰真個佳兒此寧馨
雙盤挑菜甲屯字剝瓜丁替我拋紅豆從他勸綠醅貪看
妃子笑莫放次公醒朱牖同時妙劉晨幾度經風懷傳旖
旎絮語訴飄零舊雨連新雨張星更角星恨無修月斧悽
到護花鈴密約尋簫譜圓期指鏡銘明朝歸櫂遠春水夢
鈴孌

食河豚

直沽三月搖淪漣楊花入水相新鮮河豚出沒初上市十

十五五筠籃邊老饕食指偶然動不惜三百青蚨錢銀刀
縷切肌理別片玉不比鮭肝堅食經製法宗馬琬配以諫
果腴而仙續紛水族誰敢擬媵江瑤柱奴餘泉燕姬供饌
不辦此纖手應讓吳孃便吳中舊事頗遺恨當年碧血魚
腸濺後來流毒洗已盡西施乳滑空垂涎五湖風味網可
得曷不去上鴟夷船半生鰕菜等閒棄侯鯖萬里來徒然
食熊苦肥蛙苦瘦縱有羅列皆腥羶狂生對此恣嗚噓口
腹雖小由良緣童奴咋舌色如土私訝性命何輕捐浮生
寄耳貴物化以化乘化吾無權彭殤修短本難定夷陌生
死誰能專眼前趨避豈足侔此拘拘者非天全席間擲筆
一大笑梅河豚後吾詩傳

爲吳荔村題春江送別圖

水天綠透菰蒲色
兩槳搖春蕩春碧
一痕剪破好生綃
添上風前送行客
畫裏烟光點點鴉
望江亭上是天涯
江邊帆影多於葉
一夜春潮盡到家

海光寺

蓮宇湛虛白
坐來禪境深
天風下鈴語
海月上潮音
雉接層城路
雕盤大漠陰
翠華應不遠
未敢悵登臨

飯牛行爲李獻坪題圖

吳兒生小愛飯牛
東家飯牛兒出遊
騎牛日日牛背坐
牛穩如山兒忽臥
一枝短笛吹出門
桃花杏花紅滿邨
呼牛入林作牛飯
人意亦如牛意懶
角端攜得一卷書
盡日行

吟欲忘返我吟我歇牛不知我行我息牛則思有田可歸
歸不得三尺蒲鞭安所之牛橋莊上年年草昔日烏犍今
已老披圖忽見飯牛人雨笠烟蓑一傾倒吁嗟乎寧戚飯
牛終得君牛兮叩角胡弗聞回頭笑語牛背客明日騎牛
歸亦得

贏得

十日旗亭畫壁忙朝來烟雨送流光好春似水難消劫名
士如花易散場愁對青衫翻舊曲笑攜紅袖賭新妝鸞簫
鳳管渾拋卻贏得風前若個狂

夜話青垣兄寓齋兼留別少采叔涑仲弟

滿院春陰掃不開東風笛裏小徘徊一家舊話重燒燭十

日清遊數舉杯客館聞鷄君莫舞荒郊射虎我應來匆匆
莫負臨歧興落日蒼烟上古臺

故園多半長蓬蒿話到鄉愁首重搔千里鴻心歸路遠十
年馬骨亂山高無端去住憐長鈇不盡寒溫感故袍看取
前程風色緊天津亭下是勞勞

歸舟寓感示同人

身世渾如上水舟不容把袂覓浮邱投壺漫說邀天笑鞭
石方知替海愁世上追風須代馬江邊喘月有吳牛南華
一卷從頭讀要學盧敖汗漫遊

封侯漫擬玉關行屈指題橋路幾程春水向尋官渡字秋
河誰記客星名歌成瓠子原難和語到桃人太覺輕約得

舟中仙侶在茫茫雲海聽風聲

壯遊已倦興消除只分閒雲自卷舒三島去求方士藥五
湖歸讀計然書著紅騎馬看何限佩紫腰魚笑不如花片
東西風上下春明寫出夢華初

多事仙家借枕忙朝來各夢是同牀東風馬耳吹歸路細
雨鶯聲紫客鄉醪飲淳于憑一石博輸劇孟待千場秋時
但約登高會手插茱萸勸東裝

尚絅堂詩集卷二十終

尚絅堂詩集卷二十一

陽湖 劉嗣綰 醇甫

槐天集 甲寅

槐陰如蓋一綠到門几硯倚然用滌煩暑

雨窗示香竺

春風風人春雨雨日對吳郎作吳語卻聽幽鳥四無聲屋
角一鳩相爾汝門前十日成幽棲青鞵蹋徧三尺泥竹根
破土縹兒小槐影當天笠子低碧紗裊裊爐烟直新綠如
烟生一色細浪吹來別作花濃雲潑上還成墨分明畫出
熟梅天同在江南水閣邊君如海燕朝朝舞我似吳鷺日
日眠輕眠淺醉何時歇舊雨沉沉坐相憶茨菇葉爛菖蒲

開斷送江頭好消息
浙淋淋檐下聲
一尊相對可憐生
開窗且仿時晴帖
莫管烏雲天際橫

演雅一篇擬山谷

鷓鴣嚇鼠飛上屋
螻蛄捕蟬走入竹
堦前不見蟲負版
門外但聞禽啄木
連朝大雨黑
蛭出一夜狂風白
鳥浴過牆
蠅虎亂行伍
面壁蝸牛習蠻觸
池邊正翻蚪
蚪案屋角待
理鶴鴨獄蝸應
分謗到蠶尾
虵枉垂憐向
蛇足草間動
股蚤跳擲葉底
纏身蠶瑟縮
亦知反舌故
驚聒誰遣叩
頭先惕服
焦冥偶爾寄
蚊蠅蝶蛭安
能居蠓腹
螬矜食李節
瑣小鼠笑搬
薑智局促
蜘蛛隱去網
四面脉望
仙來髮一握
蟾蜍怒目過
五日尺蠖埋
頭待三伏
傲吏當窗化
蝴蝶老

仙入洞學蝙蝠蜂黃畫出代攜蜜螢火夜歸爭執燭青蚨
無血散錢室白魚有味匿書籠鞠通移家琴上佳顛當結
伴管中逐阿房古賦請蝨記東野新詩教蚓讀螭螭爾雅
世不識蟋蟀春秋我能錄朝來蟲鳥呪向人誰其云者黃
山谷

苦雨三首答張船山

天風吹海墮空濶徧地青蕪化成國夜來小屋如畫船夢
落江南剪江色江南家住蓉湖隈昨宵一紙湖邊來爲言
春雨兩匝月柴門綠到三山苔天公行雨無南北來向人
間作潮汐潮生潮落日夜忙何不與潮歸故鄉下階笑折
青竹尾鞭起癡龍走千里

蠹魚夜半空箱哭科斗三千遶牀足枕函剖得一編書字
字浮來江鯉腹當年曝書七夕過今年秋時不見河天河
下天忽倒走我欲乘槎到星斗電光閃入窗中明玉女一
笑千盆傾披衣聽雨不知曙水底白鼃吟六更漏聲欲斷
不斷處天上仙人淚如注

東家鼃沒生井蛙西家牆倒走壑蛇廣文破醴漂出屋翰
林濕薪堆滿街商羊戲作小兒跳樹底連朝鶉鴉叫鶉鴉
喚雨不喚晴馬啼滑滑何處行牆邊畧約半已朽咫尺便
有烟波生思君累月結成想螭屐衝泥不曾訪一條帶水
到門前明日擎舟倘來往

和姚秋農雨窗韻

浮生只辦醉鄉遊，閉裏爐烟幻裏漚。作客病寬新帶眼，思歸心折大刀頭。百年豈合憂千載，一日偏如隔九秋。城北城南相憶在，碧天無語怨靈修。

青鏡朝來感鬢毛，郵亭長短太勞勞。人將秋意拋長算，客過春遊戀故袍。桑下何因三宿住，竹中只合一生逃。風前又綠蒲觴酒，醜向南雲讀楚騷。

題楊藕汀巴陵秋帆圖

湖烟湖雨黃陵岸，一葉輕帆飛不斷。隔江秋色洞庭來，十二闌干落天半。船頭唱歌船尾眠，將船載酒壺中天。風蘭笑人斑竹泣，拉拉雜雜調湘絃。江山彈指成遙隔，尺幅蒼茫見行色。青草湖邊萬古愁，黃牛峽口三朝客。江頭明月

不可呼白雲紅樹易模糊倩誰添個猿聲好寫出青蓮出
峽圖

哭汪雲壑太史

十載龍頭望經年馬足勞平生留氣骨一死殉風騷
宴客笙歌歇埋人麴蘖高奇情還鬱勃六月吼松濤

撤瑟尋初地籠紗憶往年無人開白社有母及黃泉

大夫人閱

數日亦一卷水雲集七條風雨絃憑將身後業灑淚問造

天

齋中消夏雜詩

竹簾

翠箔珠櫳昨夢闕此君伴我太蕭閑無多風骨絲絲瘦未

啼痕點點斑燕尾。一雙空翦水蝦蟇十二。竟遮山分明
丁字前頭路影落清淮第幾灣。

采棚

隨意招涼有好風。一棚松影絕玲瓏。八窗卷入濤聲細。四
壁分來樹色空。近水舊曾安鷓舫。移家真擬住鷺籠。豆籬
瓜架尋常憶。只在秋燈夜話中。

紙窗

泫窗小拓駐年光。紙價何曾貴洛陽。幾疊秋雲原薄薄。一
場春夢最茫茫。依人盡日生虛白。有客終朝試硬黃。記得
旗亭曾畫壁。烏絲界上十三行。

紗櫥

霧縠烟綃曲折經方空十幅可中庭羅郎句偶籠紗讀謝
女談終隔障聽一桁水宜鳴翡翠千絲風欲擘蜻蜓黃昏
抵得紅牆遠卧看窗前織女星

斲簞

鋪出湘江似掌平天然笛竹製桃笙碧搖日影三竿上黃
卷風漪八尺橫應許枕從今夜借不堪壓到九秋生人間
無復遊仙路眠夢從他當水精

隱囊

角枕拋人午夢殘空牀移得當蒲團坡陀未便全身隱轉
側翻添半臂寒世上癖餘紗帽在閨中製共繡墩看客窗
長物渾無幾一榻將穿笑勿安

蕉扇

不分芳叢喚扇仙別裁月魄墮風前障來西日初黃後翦
得南窗半綠天曾爲封書千宛轉偶然題句五留連空齋
聽雨應愁絕搖落班姬又一年

櫻拂

庭前掃地誤仙鸞挂壁絲絲響漸乾但有風來同灑落更
無塵到最蕭寒狂容赤幘當筵舞醉遣青衣入畫看可惜
王郎好談塵年年閒却玉闌干

椒囊

申椒一握楚臣芳巧製爭傳辟惡方無語似含紅豆蔻有
情誰繡紫鴛鴦腰間已服三年艾衣上能留幾日香從此

山南山北路相逢莫認舊羅囊

蒲鞵

遊山合辦筇屨工妙手編蒲更不同未慣行來從雪上還
思飛去入雲中依依寄遠憑吳信張籍詩寄吳信草草題名借
魯風搗得踟青歸更好出門依舊吹塵紅

行路難二首

生不羨華胥鄉死不慕遮須王千山萬水苦復苦行人到
此添恓惶我昨汗漫遊飄然凌八荒道逢一白鶴向我裴
裊翔叩我何所適云在瑤池西畔崑崙岡下有三山倒沒
之瀛洲上有萬里直瀉之銀潢天風蒼蒼不可以徑度碧
城十二遙相望我欲驅車上太行猿狖啼我前虎豹蹲我

旁披衣不肯發舉頭仰視明星光吁嗟乎安得頓造父迴
王良天上萬古無參商

青天盤盤車轆轤歌聲出門哭聲續登高四望欲投足前
憂迷陽後獨漉我行獨漉傷我心白沙漫漫深更深飢來
驅人住不得壯懷激烈安可任世間怪事那有此長安侏
儒飽欲死趙宣桑下宿餓人漁父蘆中出窮士亦知失意
古來有誰與王孫雪其耻我無一尊酒不忍握君手我無
三尺劍不忍別君面卽看世路九折長莫怪人情九疑變
填海海不乾鑿山山不平側身天地悲風生行路難涕縱
橫

觀洗象作

一年三伏第一日都門洗象驅象出象奴前導象點頭象亦縱觀人出遊兩行旗鼓倏而列象校成雲玉河集皮毛斑剝水紋蹙脚步蹒跚山體立翩如香象來渡河大象小象捲白波大波軒然落天際象欲娛人作象戲此時牛馬各驚避象身蹋波如蹋地象奴驅象與象前一奴一象相周旋象奴之樂象所甚象乃甘爲奴輩侮我聞人生唇匹則齒寒胡爲此物飾外觀又聞人於噬嗑占滅鼻飲食需之此何意天生五官枉其二象竟如人解人事得毋象出西域西曾向象王識梵字古云法象應星精星宿河邊遠莫致聖威所屆六幕一何有區區越裳雉吁嗟乎唐宮舞象舞則那吳宮執象象奈何幸逢聖世浴聖化一

年一浴浴已多象聞此語應知戴我來觀象下象拜南人
作詩請勿怪見橐駝曰馬腫背

觀大令保母碑卽題卷尾

二王墨妙雲烟空蘭亭已入昭陵中黃閔岡下墓碑古後
八百年磚出土磚雖斷缺文則殊大令幼爲保母書保母
者誰李意如雙松貞石悲有餘方壺倒影不可見曲水廻
環藏小硯旁有曲水硯影搨嵇山樵人手討論誰其實者三槐孫
竹窗白石盡灰劫傳觀直到高江村晉時之刻宋時識更
後宋時歲八百摩挲古澤良已奇何況留題盡詩伯大令
宅在雲門隈禹穴夜穿風雷此碑幸免六丁攫得毋呵
護魂兮來玉鳧飛去銀蠶化繭紙而今餘舊話安得東坡

保母金蟬銘兩家墨寶爭英靈

季馴昨歲入都貽我一研許以詩易并示所刻同人

易硯詩久未報也暇日賦九言詩一章寄之

枚菴白菴研癖不知足以詩抵研賤若鵲抵玉從而和者

各出詩杼軸一研一詩卷作筍一束昔君入都贈我十餘

幅并遺我研要我詩韞價硯大如鴉蒼古頗奪目卷然而

紫女手笑可掬用前研緒語譬如買妾直欠珠一斛至今餘

未了詩債局硯人之邁我已矢勿告稷墨齋頭日日避暑

酷三竿兩竿苦乏小園竹一間兩間聊當玉川屋晝長無

事攤飯自捫腹科頭箕踞一握髮三沐君詩忽來天末苦

敦促責我負約愧此石交獨聞君樓中積研若坑谷方圓

大小上下牀各各神龍半尾犀兕露一角鴈之鵠之眼不
辨歌哭瓜皮青青蕉葉洒空綠山肌水骨君乃手洗濯銘
詞製就日費良工琢君家紫雲驅使只奴僕蓬壺仙品一
一爲君錄將毋割愛分我洞天福有田我耕有池我則鑿
擬營菟裘老我此中讀秦城十五可許相如贖楚地六百
勿學張儀縮七言之詩請以九言續去年得隴今日我望
蜀

小住

小住卽吾廬長安亦易居徑邀吟客屐門謝麴生車洗菊
除花虱燒芸走蠹魚更無塵夢雜隨意到華胥

尚綱堂詩集卷二十一終

尚絅堂詩集卷二十二

陽湖 劉嗣綰 醇甫

澹香秋圃集

甲寅

是秋移寓內城阿相邸第齋宇閒敞雜花約秋蕭然
有老圃風不自知其在公侯之門也

秋圃雜詠

豆棚瓜圃占清幽風露闌干入九秋最好月明人靜夜滿

天涼影在秦樓

鳳仙

雞人借得翠雲冠一片紅雲別作團立盡花前花不語自

家起舞與花看

雞冠

秋光醉煞雁來前爭向花叢羨少年莫信少年真個少十

分紅處是霜天

老少年

舞來掌上翠雲袖彈罷壺中紅淚痕到底不知秋幾許

前喚起海棠魂

秋海棠

紅牆點綴幾分秋在人間促織家閒向西風說消息夜

夾滿地是匏瓜

牽牛花

愁憂不用勸金卮且向花前立許時若使宜男真佩得生

兒也是莫愁兒

萱花

西風剪盡曲欄花新樣裁成出內家同是秋江好顏色無

人解唱越溪紗

剪秋紗

芳名可許綠天同分取蕉窗葉葉風那得美人心便死秋

邊還賸一分紅

美人蕉

白地肝腸斷幾枝搔頭記得卸妝時折花人亦如花晚愁

煞香兒與玉兒

晚香玉

淡黃一色麩衣塵畫出江南別樣春吟罷不知何處望阿
儂原是此花身

望江南

水蒨花

生來只合傍漁舟倒映簾前水色流落落踈枝原入畫蕭
蕭滿院不勝愁一天楚雨移歸夢幾點吳波隔素秋還是
小窗清興遠扇頭閒寫白蘋洲

盤香四十韻

篤耨傳香譜旃檀佐火功樣分蓮鉢現名稱蠟盤籠屑粉
千般膩搏沙一色融搓逾蠟領妙搗奪麝臍工曲處量尋

尺環時結始終。裊思雲作縷。鸞笑月成弓。細細螺紋旋團
團。螳磨攻初。梳梯乍上百級。塢爭礮腰。裏連天棧。紫紆跨
澗虹。鰲身真蜿蜒。蛇骨太玲瓏。絕頂黃曇透。中邊紫邏茸。
魂應返西土。辦不到南豐。變幻三臺素。光明點粟紅。有時
供窻妾。無地縮壺公。小炷移禪榻。輕烟傍綺櫳。未須沈水
貯。誰許博山充。安帖孟盛玉。欵斜斗熨銅。鵲爐辭緩。緩蛛
盆乞匆匆。掌立仙人露。輪廻列子風。星圖行間道。灰管得
旋宮。氣出雙頭異。文回四角同。乙纜蟠蚓篆。丁直走豸叢。
側注俚金獸。低臨逗玉蟲。龍涎垂宛宛。螢尾押熊熊。繡柱
都圍鴉。香泥不印鴻。製偏遺漢尉。品合數吳蒙。雅癖償烟
草。相思遞碧筒。十分園誤柳。餘寸削愁葱。細測朝春杵。平

添夜續纓傳燈誰續佛請緼當搗童只我憐焦尾由他愛
熱中幾番消午睡終日耐冬烘暗室分雲母空箱賸藥翁
舊情長灼艾新恨鎮燒桐字已連心燼絲都逐鬢蓬管爭
跳脫瘦腸到鹿盧窮太極原無極因空更悟空任從形屈
曲到底相圓通度劫秦坑外分輝魯壁東詩成聊一笑持
寄少陵筒

分和石菴相國秦中懷古詩得華清宮

宮池一帶限紅牆競說華清舊賜湯仙闕有人原縹緲佛
堂無主自淒涼落花古塚連鸚母春雨空庭尙海棠只在
路旁閒指點白雲還似舞霓裳

漢長生未央瓦二十韻

留得甘泉瓦遺聞紀舊京未央原未已長樂亦長生篆畫
釵頭直文磨鏡面平關山痕一片風月印雙清鳩鵲前身
合鴛鴦昨夢并塗丹依別殿登翠引連囊櫛櫛金爲屋鱗
鱗碧是城宮門秋扇卻苑樹曉鐘迎甲帳千重畫高臺百
尺莖美人鈎曲曲仙子佩盈盈青鳥無來使泉鳩有去程
繁華栢梁歇烟草茂陵橫大藥空今古黃金厭甲兵相攜
曾漢月此劫更秦坑亂碣纏紅蘚頽垣繡紫荆玉魚前度
淚銅雀幾時盟斷塚傷心在離宮照眼明雲飛新雁影葉
落古蟬聲春雨飄何處秋風愴客情回頭眞石闕入手比
瓊英磚甃磨礧慣琅玕刻畫精吳船裝易重燕石價都輕
碎礫題年月香姜辨姓名古歡攜作伴留取硯田畊

柳如是小印歌

絳雲一炬飛灰濕圖書並入滄桑劫玳瑁梁傾歷斷鐘鷲
鴛瓦碎敲殘碣量盡樓頭記事珠拈來小印悟如如河東
女史初通籍天上仙人舊掌書雲藍袖子標牙軸姓名別
采羣芳錄照水親填楊柳詞上山手製靡蕪曲要使吳兒
軟石腸自家釵股費商量鈎成薤葉銀雙畫刻上茗華玉
一行濤箋湘管高聲價寫韻軒中此堪亞江令瓊枝又一
朝班姬團扇成長夜門戶飄殘散若星窈娘殉主太零丁
風流話入尙書傳烟墨綠歸野史亭嫻鎖斷餘荒蕪此
印天教土花繡點點傷心賸綠苔雙雙入骨拋紅豆香艷
流傳更百年可憐碧玉竟成烟模糊臂印看猶在狼籍眉

圖記不全燃脂殺粉愁如此玉臺誰續蘭臺史曲底重逢
白石郎詩中合唱黃華子繡佛鐙前一辦香同時姊妹讓
傳芳開窗更拭橫波硯鈎出蘭花怨曉霜齋頭有顧眉樓手製小研
陳香谷屬校訂令祖星齋先生遺集卽題卷後
著作承明舊史官石渠望重列朝端一編體格追長慶公
灑風流敵建安鴻爪更無前輩在豹皮須得後人看多君
祖澤摩挲意風樹秋窗徹夜寒

紅豆詞

一分烟月一分霞好在江南水上家怨煞東風零落甚拋
將紅豆滿天涯

院落當年種幾枝每逢花信一相思綠陰青子都刪盡可

是相思結果時

女兒箱子登檀槽唱出燈前髻影高
多謝鸚哥偷記得一

聲聲是鄭櫻桃

明珠幾斛上吳船
數到清遊最惘然
昔日歌聲今日淚不

知紅豆爲誰圓

惠紅豆與吳紅豆

惠定字以紅豆詩得名稱惠紅豆吳圃次有紅豆詞時亦稱吳紅豆

曾向

紅紅曲裏聽唱到山莊新樂府
自彈酸淚哭東亭

史有紅豆莊歌盛稱於時

風雨西窗冷客羶
手翻茶串夜談禪
新詞譜出雙紅豆一

點秋燈分外圓

題畫蘭

墨花飄飄香十步生綠屏風引輕素幽蘭啼眼不曾乾自
抱芳心泣秋露公子年年杜若洲雲波無語阻靈修何人
識得離情苦一夜西風墨客愁

秋蟬

山程水驛入寥天高樹無情碧可憐齊女門前曾繫馬楚
人江上未歸船蕭蕭落葉空三徑脉脉斜陽又一年愁向
西風看瘦影鬢絲吹上七條絃

題紅衣釣師卷

雪樣圓鷗片片寒九秋餘艷落江干風光最是嚴灘好乞
取楓人把釣竿

古鏡

一片秦時月圓圓近若何不成秋水照重向白雲呵鉛淚
宮中盡銀華井底多相逢不相識忍付道旁磨

古琴

琴是梅花伴橫陳共一庭爨餘千萬劫徽賸兩三星孤鶴
夢中夢斷雲青更青不知流水曲塵世幾回聽

晨起

西風吹冷玉階除中有秋懷亂髮如黃葉滿庭蟲蝕遍朝
來埽地當讎書

燒香詞

雲窗霧閣香滿爐美人夜燒金鷓鴣分香入畫疑香活十
二屏山香一國團團香餅爲郎添妾意留香不卷簾香前

未便深深拜幾度拈香結衣帶妾身小坐待香熏妾亦如
郎凝若雲拔釵劃出香中字妾有香盟與香誓心香一炷
願生天不道雙頰化作烟雙烟裊空出簾去去似郎行留
不住留香不住上香臺妾在香前腸九迴妾腸未冷香還
熱一夜憐香心百結朝來欲問妾邊心只看香灰深不深

題倪米樓懷儂錄後

天女因緣幾目成雪泥容易誤三生一編便是羣芳譜芳
草叢叢記小名

家住烟波第幾橋年年消息付春潮郎心不及西湖水綠
到門前只一條

空山茅屋記盟詞倚竹天寒不自知眼見妾心成古井鹿

虛應有盡頭時

薛家箋色砑雲羅昨夜封題寄綠波數到翠鱗三十六玉
河橋下淚珠多

紅墻回首夢參差我亦閒愁颺幾絲留得隔簾銀蒜在斷
風聲裏說相思

凍雨寒雲盡壁昏情癡若個不銷魂夜深印出傷心字同
撥香灰看淚痕

秋農移居索詩得數斷句

茗溪烟水隔湖鄉借得閒齋日日忙要與先生補圖畫青
援守庫鶴移裝

書窗畫閣沍寒雲位置工夫費十分好個殘年生活計宜

春帖子送窮文

小拓油窗面面開幾年懸榻共徘徊屋梁依舊當時月便

要稽康命駕來

謂嵇因山

古樹荒烟數點鴉門前咫尺似天涯雪中一路縱橫迹知
有朝來問字車

臈月二十三夜示香谷米樓

疊鼓層城動客思寒宵別是殢人時昏昏燈火圍爐話
草風光散雪詞明日且爲無事飲一年誰賣有情癡出門
料理閉巾幘擬向街頭舞柘枝

蒯徹墓

楚猴戲罷秦鹿走赤帝長驅斬蛇手淮陰不合羨真王駢

首歸來歎烹狗功高四海全身難
荆通無識見未殫書生已墮坑
儒劫術士徒登拜將壇漢臣向
漢義不背我怪通言偏相背當
年變計倘翻然坐使千秋遺後
悔大風日夜起沛中若教信反
非英雄狂言自出桀犬吠異志
足使堯羊攻舌端三寸利如此
縱未成烹亦偶耳生平枉識安
期生餘息蒼黃走燕市通乎背
漢非漢臣古墓却與誰家鄰
君不見王孫一飯無人薦鐘室
年年草自春

歲暮雜述

冬心抱得歲寒交自遣閒情自
解嘲如許年光真燕尾幾番春
信上梅梢鴻飛雪地空留迹鵲
鬪風枝更補巢一別湖山今五
載烏巾鶴氅等閑拋

桃符不用客支持，又是宜春帖到時。
壁上好留隨意畫，瓶中難覓賞心枝。
每懷舊友如尋夢，爲送流年且補詩。
漸覺艷情消似水，冰天雪屋洗燕支。

客懷只逐亂絲飄，閒剪春幡結幾條。
瓊貯寒泉留隔歲，爐煨宿火伴終宵。
新梳不戀愁來髮，舊帶能知病後腰。
枉煞天邊雙白鷺，自看殘雪畫丰標。

驢背酸風馬脚塵，重城一隔又經旬。
開窗不掃帷中雪，隱几頻呵筆底春。
并少青蚨邀酒客，漫澆紅蠟祭詩神。
夜來小學安禪法，留得蒲團自在身。

荷綱堂詩集卷二十三

陽湖 劉嗣綰 醇甫

策蹇集 乙卯

城闔間隔致歎索居驢背行吟隨興所至尋有歸志
衝寒獨行是年得詩名以策蹇

人日見梅花

人日未歸人梅邊又早春獨吟花下句空憶艸堂鄰舊約
盟猶在寒圖記不真東風爾何意只傍六街塵
翠羽山中夢紅梅閣上書一枝遙贈客千里渺愁余
硯
消清課挑燈伴索居臆醉今正熟那不憶吾廬

丁雲鵬文殊洗象圖

文殊出世數千載洗象河邊作狡獪丁生何處得此意空
色中間著圖繪變相湧現來毫端時於定中作定觀波光
不動雲影直妙華一朵當空盤象王點頭與佛語象鼻軒
然如欲舉想見當年驅象來倒卷諸天下花雨我聞異象
曾嗟人有佛制象象亦馴得毋象身卽佛身騎象渡河象
弗嗔翻波撒浪隨所使佛不生滅象不死佛力堪爲象主
人象教乃如佛弟子瑤光奕奕恒星邊此象與佛同西天
佛來浴象如浴佛佛亦隨之入中國飄然一渡慈航來雪
山卷起千千堆却從河邊望星宿奚止海上看蓬萊君不
見 朝中尙有前時象應識文殊本來相惜哉不遇丁生
寫此圖年年洗象昆明湖

燕九夜

燕市開燕九春燈落萬家攜盤將漢月打鼓出唐花狂客
紫驪馬美人金轎車遊蹤吾易倦歸路醉流霞

吳穀人先生招同王葑亭汪劔潭趙味辛伊墨卿陳
梅垞劉澄齋何蘭士張船山吳香竹戴春塘集壺菴
紙閣圍初夜油窗補去年花光能上月酒影欲搖天日下
難爲客壺中易得仙未妨吟興歇移枕足高眠

題法時帆先生詩龕圖

先生嗜佛兼嗜詩以詩奉佛佛不知先生奉詩如奉佛成
詩一龕佛一國龕中見詩不見龕爲龕作圖詩亦甘先生
日下詩拜詩人到此皆和南楊枝灑出詩五色色色都

歸籠月白須知詩好貴無詩強向詩中圖主客以圖索詩
詩入圖人說我詩圖所無我詩恰合詩龜旨詩龜主人佛
弟子

花朝約同人小飲陶然亭風雨不果

十里亭臺路花時有幾人輕烟偏禁客猛雨劇拚春嘯詠
餘吾輩登臨負此辰無言謝桃李冷落過芳鄰

金塗塲瓦歌爲翁覃溪先生賦

關中漢瓦滿客囊長生長樂同未央先生蓄瓦有瓦癖塲
瓦購得從錢王別攜妙手作影搨細字列款標題詳不須
古硯製銅雀安用小篆摹香姜其時顯德歲乙卯寶座巧
設金塗裝莊嚴八萬四千塔綴以纓絡慈雲光布金滿地

等閑事沙礫一散成荒場當年此鑄直大錯十四州郡天
蒼涼從來事佛失佛意後有孟蜀前蕭梁高樓不救掌書
火何況歷劫如南唐塵灰飛盡幾宮殿覽古要足關興亡
千樹今看錦衣盡一窩那比銷金藏不如持付浪淘去英
雄遺恨流錢塘

題陳葑洲中丞匡廬觀瀑圖

太白廬山詩句開屏風栖賢題壁復見東坡翁乾坤落落
替人在名流合受名山封我公嵩嶽生少室天當中一麾
出守渡雲海十年看盡扶桑紅觀湖錢塘西破浪登萊東
黔雲萬里看不足移節却上匡廬峰我昨憶公頻夢公臥
遊彷彿身旋蓬脚踏一朵雲飛上青芙蓉烟嵐自紫四時

變岩草正綠干山濃適從雙江寄示觀瀑卷乃是蓬心老
叟水墨圖遊蹤秋空放筆著邱壑峭壁直立無眷容下有
商山四皓不采之華芝上有黃山九老不偃之蒼松石門
陰陰仙所宮門前匹練垂幾重飛流一白下天際萬古界
破青濛濛初疑碧海鯨條若飲澗虹噴珠瀉玉不知高落
幾千丈地藏瀉盡山爲空清冷世界此真絕寫出山人出
世入世跌蕩磊落之心胸不披一品衣不攜九節筇晨騎
朝京鶴夜喚咩烟龍蒼生霖雨一朝遍點滴便有江湖功
方知出山之泉具妙用一脉要與山中通卽看我公圖此
遂初服笠屐所到堪追從我昨夢公今晤公別公將十載
依舊青雙瞳進以青藤杖飲以琉璃鍾願公開先寺裏勒

銘處長並此山突兀留青穹

上巳日遊蓮花泡示香谷米樓

流觴借得好林泉世界都來泡影邊
水曲鶯花三月路亭中餽菜五湖天

地有餽菜亭

空留畫稿尋金粉別送歌聲當管

絃如許茫茫人海裏小蓬壺住便遊仙

一層空翠一層樓只隔烟波占此洲
遍地魚苗新水色連天燕麥故園愁
搗竿漫許臨官渡點筆何心近御溝
徑欲與君盟小隱安排二十四閒鷗

飲酒詩四章同張船山作

空囊不救客遊貧悔到人間是此身
入世任從遭白眼逢場只辦買青春
忘憂自古無他物作達於今有幾人
可要

糟印同卜築朝朝荷鋪結比隣

天放花風特地狂看花又到散花場
千愁在眼真成海一醉埋頭便是鄉
齊贅風光交履舄楚臣薌澤滿衣裳
東鄰絲竹匆匆甚比較清宵有短長

君齋不厭百回過眼底名場只利那
老輩風流今剩幾年意氣日亡何虛
尋舊會龍華劫倦唱新聲雀石歌笑
覓市中屠狗去街心明月共婆娑

降得愁城萬事甘得甘也要苦中譜
世間似僕原多恨場上何人肯半酣
蜀國壚頭曾滌器吳淞船裡好攜相
夜來顛倒尋鄉夢君到江南我劍南

春算偕同人遊釣魚臺

共有濠間趣臨池一石分野花紅近渡新水綠於雲晏坐
春將晚清游日易曛那堪溪上路風色正湔裙
郭外春人影如雲不斷飄飛花爭渡水臥柳自成橋選石
安茶白分波浣酒瓢適來無釣具歸興在蘭橈

出小南門尋花窖途遇篔簹而返

年年插腳軟紅塵信步尋春不當春桃李沿街都笑我榛
菅覓路忽逢人眼前碧水拖吟屐頭上烏雲墊角巾綠遍
幾家芳樹色流鶯何處話比隣

朱漫堂西陂草堂圖

西陂陂水何淪漣迢迢一曲綠到天生綃尺幅皴染妍
堂不記成何年先生好飲如青蓮脫巾散髮真神仙堂前

流水鳴濺濺天風四壁拂素絃密杉稀柳斷復連十步五
步樓閣偏恍如三山遊戲便中有狸奴數百千烏圓錦帶
紛紛或穿花戲藉艸眠一一活到秋毫顛畫工意匠在
筆先是象非象詮非詮我來曾住陂水邊艸堂不見見墓
田圖書一散成雲烟我生也晚慨變遷對此幸得身周旋
何當花木別作編一千載後圖平泉

題叔魯琴嘯圖照

幼時愛讀選樓賦成公子嘯嵇康琴孤彈遠出廣陵散高
唱特發蘇門音我別二子數千載此理微妙誰能尋太邱
公子古懷抱長嘯落落葉悄悄胸中邱壑更清曠別選畫
手圖青森秋窗無塵絹脫手千山如髮抽瑤簪峰峰迸筍

出天表一綠直到蘭亭陰小橋流水各暎帶間以茅屋成
疎林塢烟搖動晴翠活嵐雨飛破涼雲深往來更不著人
語但聽格格鳴幽禽得毋遺世者仙子石骨自冷霜肌侵
脫巾露頂此兀坐中有太古蕭寥心一痕月照七條玉天
宇四寂山沉沉偶然起應萬壑響鳳皇欲啞孤鸞暗知君
夙志抱高尚非琴非嘯當風吟朝來把臂請同往圖中點
筆成苔岑

春城斷句

春來高臥足清酣客裏風光百不諳憶著故園櫻筍好累
儂午夢到江南

桃李門前換綠陰豐臺紅藥又相尋春風值得多聲價也

費吳儂一餅金

層城一帶繞垣環
取道牆陰獨往還
不管紅塵天半起
駝背上
看青山

九陌車聲盡日忙
杜陵挈伴最佺佺
道逢傀儡從旁看
不看
看登場
看下場

張旭書顛成醉癖

船山

王維畫隱得禪真

椒

相逢便作江湖

看人海中間有幾人

春流幾曲遶湖亭
郭外人家取次經
坐慣驟輿胥脚換
長橋十步九鈴嶸

寺門樹色倚孤筇
撥霧披烟更幾重
消得座心如許盡
西山天外一聲鐘

夜集壺庵小飲

酒暈搖春入夜酣九枝鐙影照潭潭維摩自掃天花室彌
勒同居水月龕高樹望中疑渭北好風衣上似江南狂來
笑乞雲藍紙落筆忙於食葉蠶

重遊蓮花泡作

天教破例作清遊日日煙波訪白鷗自入世來無世想不
應春去有春愁危橋倒臥池心樹小屋平牽岸上舟一笑
圓丁拍肩說幾人解道此勾留

獨遊積水潭

湖橋十里路高低濕翠飛來片片齊手抱一株楊柳坐相
思都在水門西

人家占得鷺絲墩，劃破烟痕與水痕。擬結茅庵此間住，綠
情情處不開門。

憇慈仁寺

松門落日散，栖鴉靜聽風。聲入煮茶心，與孤僧同出世身。
如遠客乍還家，印來空水原。千月笑遍諸天，只一花定是
堂中誰隱几。杪櫛如雨落袈裟。

枯坐得句

掃空心地坐深更，便覺新涼袖上生。止水自能留月色，枯
松原不受風聲。蛙爭取鬧渾無理，蛩祇吟秋亦未平。此際
聞根應斷得一鐘隱，隱落層城。

雨後訪淨業寺

埜色不知極孤城積水西樹聲穿瀑遠雲氣閣鐘低靜綠
無蟬唱昏黃有鶴棲此間真淨業燈火出招提

觀梅道人畫竹卷

道人竹用作書筆八分作枝草作葉就中雪竹尤離奇枝
葉雙鉤古無匹一枝一葉指向天籟龍狂走不受鞭修修
雨脚滿空綠二十二竿斷復連懸來素壁作圖障尾掃青
鸞起惆悵卻分翠色映鬚眉巾髮蕭寒坐相向是時虛堂
風雨生空中聽竹竹有聲相傳此竹數百載中有史筆莫
敢評道人之品拔塵俗死配梅花生配竹卽將此竹比梅
花除是孤山堪入幅道人家近孤山孤道人墓傍鴛鴦湖
山中有鶴還思宋墓上無人尙姓吳人間不含有此畫傳

向人間多所怪夜半窗開鬼亦驚檐前風竹低頭拜

荅華懋茲見懷韻

西風葉葉悵分飛盡日停雲淚滿衣世上任看花樣改門
前祇恨綠陰稀當歌意氣逢場盡刺繡心情倚市非雨屨
烟簑吾事了煩君替掃舊漁磯

七夕嚴少峰招同人集稷墨齋分賦得穿針十六韻

織女佳期到針神別館忙穿應向烏鵲度不借鴛鴦天上
仙靈匹樓中姊妹行煙花辭北里瓜果列東廂月帳三分
映雲羅一段張鈿開妃子盒衣曝女兒箱手結行行綵心
通叩叩囊盤金應許歷刺繡若爲量密約三挑細閒情七
孔長玲瓏紅線腕熨貼絳仙裳偶爾垂牙尺胡然綴耳瑤

班姬愁搗素蘇婦怨流黃剪翠秋還早停梭夜未央蛛絲
縈暗壁瘁唱促空廊吳下補天節湘中續命觴朝來誇巧
製乞得錦心腸

秋日集蓮花社偕穀人先生作

綠陰城郭暮輕烟草草尋秋駐一鞭離得人家纔半里等
閒便是白鷗天

陂塘十里水雲寬幾日西風背面寒不看荷花看荷葉是
儂孤負曲闌干

朝霞過了暮霞遲消得亭中酒一卮忽憶江南天樣遠五
年不唱鬧紅詞

槐花滿路覓歸程小扇單衫太瘦生牽斷秋心秋不管一

絲風裏萬蟬聲

哭倪丈小迂

四十中年耳傳聞亦可驚
累餘身後重命向佛前
輕風雅期千古飢寒了一生
此才終不達風雨泣銘旌
骨月全家判天平命太慳
衰翁餘涕淚遊子尙閒關
出世孤龕在招魂老屋還
西湖湖上路悽斷北邙山

聞程蘭翹學士山左訃

長隄官柳繫離情
噩夢傳來第幾程
同甲有誰悲後死

謂汪

雲整江秋史兩太史故山無路哭先生
斷魂猶帶岱松色
奇句舊傳

湘竹聲悽絕程門今夜立
雪花如席照銘旌

齋中菊花盛開故人不至

寒蠶瘦蝶總傷神庭綠如烟畫不真一種漢宮秋色裏西
風誰問菊夫人
哀蟬吟賸幾分秋併作空齋一段愁祇有淮南薜桂客思
量舊雨到心頭

讀吳蘭雪詩卻寄

倒盡行囊鑄買金新詩一卷動清吟蒼涼燕筑雲中調幽
咽湘絃水上音塵海共傾知己淚名山應識替人心開編
那不成惆悵落葉蕭蕭坐擁衾

送王葑亭給練視漕維揚

艘路連雲萬里寬客星昨夜渡江干從誇春水如天坐直
取清淮作酒看隋苑可思重跨鶴秦樓莫憶舊驂鸞時先
生喪

妾門前便是金陵月不向家山照暮寒

外福錦亭先生曾視
漕余隨侍旬日屈指

明月簫聲寺寺樓廿年前此小勾留

廿年矣

十圍楊柳人如許一片蘆花我欲愁
禿袖侯門彈趙

瑟孤鐙客館看吳鉤長安風雪消寒夜
少個先生把盞遊

吳香竺屬題共月樓圖

吳剛手伐月中樹招得嫦娥一家住
笑持月斧走下天天
上瓊樓年復年瑤樓高高寒入夜
一碧金波向空瀉回頭
忽見月中人倒取山河作圖畫
山河看月無盡頭千里相
思共一樓登樓客解樓頭苦拜月
人分月底愁夜來樓月
常常滿月落樓空渾不管亦知月
只在天涯樓影近天天
更遠樓中共月月各天月照樓中
人可憐月圓月缺何時

了缺處偏多圓處少不如長借月爲家一夢水精眠不曉
對月思量望月吟天邊日夜有歸心幾時歸醉樓中月樓
月中人對說

酬魏春松比部

剪盡窗前五夜燈愧無好句寫吳綾花光似霧連三里影
事如雲隔一層小注茶甌翻綠雪輕攜硯匣點紅冰消寒
正擬排家醉醇酒商量到信陵

萬柳塘西萬柳絲行雲不戀髻邊姿久甘作我如殷浩何
苦逢人說項斯客路關山黃竹怨空齋風雨白楊知隨身
賸有奚囊在補出殘秋一卷詩

南城外晚步

村東村西尋酒家
枝枝烏柏霜風斜
兒童拍手醉歸去
驚散門前無數雅
濃雲催墮寒塘側
一角高樓暝無色
怕卷空簾望遠天
蘆花飛夢江南白

曉發白溝河

遶出河流白方知
積雪明聽鷄殘夢
斷立馬古愁生風葉
敲行橐霜花粲
客旌麗譙傳曉角
迢遞又層城

趙北口和壁間韻

薊門烟樹遶層嵐
沙路迢迢我舊諳
馬帶河聲經趙北
人隨雪影下江南
鮮魚上市無兼味
屠狗當場且共酣
此地英雄餘舊恨
夕陽古道漫停驂

橐筆蕭條度白溝
當時悔不五陵遊
忽聽下里新詞調
重

上高陽舊酒樓幾日酸風穿馬薦五更寒月浸鷄裘空囊
依舊無歸路不信人間萬戶侯

飼雞行

日光短短薄牆角荒雞號寒爭樹宿大鷄翻然飛上屋小
雞踞地作雛伏養雞翁來呼且祝一鷄得食衆雞啄翁無
三日糧翁無一斗粟全家啼饑飽雞腹君不見青鳳皇紫
鸞鸞朝棲梧桐莫食竹雌雄雙飛鳴足足

滕縣經滕文公廟

風急五更柝曉來滕邑過井橫田字少山入縣圖多禮貴
周宗擇碑經漢代磨儒生無拜獻所得是農歌

荀卿墓

邑以蘭陵重名從稷下傾三遷齊祭酒一脉魯諸生鬼谷
傳應息儒坑禍竟成巖巖嶧山叟宰樹尙風聲

項王墓

成敗何須論英雄勝沛公死方聞魯下生不戀秦中失路
有時左渡江那復東祇今餘墓樹還是大王風